

Fundargerð skólaráðsfundar miðvikudaginn 15. desember

Mættir: Ingibjörg Inga, Fjóla Benediktsdóttir, Snæbjörn Reynisson, Guðrún Hildur Þórðardóttir, Þórhildur Ýr Jóhannesdóttir, Jóhanna Þorvaldsdóttir, Máni Sigurðsson, Hanna Þorgrímsdóttir, Narfi Jónsson og Kristín Kristjánsdóttir. Ólafur Andir Gunnarsson fulltrúi nemenda komst ekki á fundinn.

1. Mál –fulltrúar skólaráðs boðnir velkomnir til starfa og gögn afhent.

Ingibjörg Inga bauð alla fulltrúa velkomna til starfa, og afhenti þeim möppu með ýmsum gögnum er tilheyrast starfsemi skólaráðs s.s. reglugerð um starfsemi þess, skóladagatal, stefnu nýs skóla og fl. Hún fór síðan yfir hvert hlutverk ráðsins er og aðkomu þess að skólalastarfinu.

Skólaráðið er skipað 11 fulltrúum í stað 9 sem lögboðið er. Skapast það af því að deildirnar eru þrjár og milvægt að fulltrúar foreldra og kennara komi frá öllum starfsstöðvunum.

2. Mál- fastir fundartímar.

Rætt var um fasta fundatíma. Ákveðið var að festa fundatíma annan hvern mánuð, ef hins vegar er þörf á að kalla ráðið saman oft, verður það gert með viku fyrirvara. 15. febrúar verður næsti fundur og síðan 20. apríl.

3. Mál -Gerð grein fyrir því hvernig skólalastarfið hefur farið af stað við sameiningu og almennt vinnulag.

Ingibjörg Inga lýsti ánægju sinni með hvernig skólalastarfið hafi farið af stað, góður starfsandi virðist ríkja í öllum deildum og vel hefur gengið hjá stjórnendum að finna flöt á verkefnum. Einnig gerði hún grein fyrir því hvernig viðvera stjórnanda væri innan deilda, teymisfundir stjórnenda ásamt sameiginlegum vinnufundum í þróunarvinnu, faghópum og fleira mikilvægu væri háttað.

Fulltrúar kennara töldu að nmendur ættu ekki að finna mikið fyrir breytingum þar sem þeir eru allir á sömu starfsstöðum og á sl. skólaári og starfsemi innan deilda væri með svipuðum hætti.

Fulltrúar skólaráðsins voru beðnir um að gera grein fyrir því hvaða tilfinningu þeir hafi fyrir þessum fyrstu mánuðum í skólalastarfinu. Allir segjast hafa fundið fyrir því að vel hafi gengið og ekki heyrt um neina óánægju.

Máni Sigurðsson fulltrúi nemenda talaði um að þetta væri jafnvel skemmtilegra þar sem nemendur fengju að hittast meira s.s. á böllum og smíðjum, sem gerði það að verkum að vinskapur hafi skapast á milli unglínganna í deildunum.

Fulltrúar töldu að það sem skipti miklu máli í þessari sameiningu skólanna væri að mikil sátt væri um leiðtogann. Allir mjög sáttir við Ingibjörgu Ingu og það ætti hún að fá að heyra.

Fulltrúar foreldra ræddu um hvort ekki væri þörf á að hugsa fyrir því, þar sem það væru svo fámennir nemendahópar í 1. og 4. b. í K-deild að þeir fengju að eiga meiri samskipti við nemendahópina í H-deild. Einnig kom það fram hjá þeim að þeir hafa aðeins áhyggjur af því að 1. bekkjar lendi í fjölmönnum samkennsluhópum.

Samkennsla nokkuð rædd og kom þar fram að oft gæti falist í henni tækifæri, en mikilvægt væri að ákveðin viðmið hefðu verið sett af Borgarbyggð um fjölda samkennslubekkja.

4. Mál-Framvinda breytinga í Kleppjárnsreykjadeild.

Öllum var ljóst í upphafi , að mikið ber í milli varðandi aðstöðu innan deilda. Ingibjörg Inga gerði grein fyrir breytingum sem hafa þegar verið framkvæmdar á KLR og hvað væri í farvatninu. Vistin, sem er frírýmisaðstaða nemenda hefur verið tekin til gagngerðrar endurbóta og nú er verið að hefjast handa við að taka í gegn eina stofu í unglingadeid bæði er varðar húsbúnað, dúkun og málun. Inga gerði grein fyrir því að viljrði lægi fyrir frá sveitarstjóra um að ef aukaframlag kæmi til sveitarfélagsins frá jöfnunarsjóði yrði hugað að því að veita peningum í frekari framkvæmdir er varða það að bæta aðstöðu á KLR.

5. Mál- Skóladagatal

Skóladagatalið rætt, ein breyting hefur verið gerð í samráði við fræðslustjóra en hún er sú að í Klr.deild og Hvanneyrardeild er tvöfaldur dagur þann 16.des og því eru nemendur komnir í jóllaleyfi frá og með þeim degi. Skólaráð sá þessu ekkert til fyrirstöðu og samþykktu breytinguna.

6. Mál-Samþykkt fjárhagsáætlun

Ingibjörg Inga gerði grein fyrir nýsamþykktri fjárhagsáætlun fyrir GBF . Það rekstrarfé sem skólinn fær er:

| | |
|-------------------------------------|-------------|
| | 343.306.662 |
| Laun og launatengd gjöld eru áætluð | 215.103.169 |
| Skólaakstur áætlaður | 61.301.148 |
| Innri leiga áætluð | 50.481.784 |
| Þjónustugjöld og vörukaup áætluð | 16.420.561 |

Ljóst er að mati Ingibjargar að það þarf að spara í öllum málaflokkum eins og unt er og gæta fyllsta aðhalds í öllu til að fjárhagsáætlun geti staðist. Hún telur að kennarar og allt starfsfólk sé mjög meðvitað um stöðu mála og allir tilbúnir að leggja sitt að mörkum til að það hafist. Hún skilaði fyrstu drögum að fjárhagsáætlun upp á rúmlega 354 milljónir en þurfti að skera þá tölu niður um tæplega 11 milljónir.

7. Mál-Logo

Í undirbúningsnefnd sameiningarinnar var ákveðið að fá Sigríði Kristinsdóttir grafískan hönnuð í Reykholti til að hanna merki skólans. Fyrir liggja 5 tillögur að merki og voru þær kynntar. Ingibjörg sendir þær rafrænt á fulltrúa og þeir beðnir um að velja það merki sem þeir þeim líst best á. Nemenndaráð ,kennarar og starfsfólk skólans mun einnig velja með sama hætti .

8. Önnur mál

- Nokkuð rætt um skólanámskrána sem er í vinnslu þar sem verið er að samræma og breyta. Verið er að vinna að samræmingu á skólareglum og þær verða vistaðar á vef skólans strax og þær eru tilbúnar og hafa verið kynntar.
- Þórhildur Ýr tók upp umræðu um öryggi á skólalóðum , einnig lýsti hún áhyggjum sínum um öryggi nemenda í KLR deild vegna aðbúnaðar á eignarlóðinni Björk sem er næst skólanum . Þar leynast margar hættur. Að sögn nokkurra fulltrúa sem málið þekkja hefur þetta mál margsinnis komið

til tals í tengslum við öryggi skólabarna á Klr. Snæbjörn Reynisson tekur að sér að rita sveitarstjórn Borgarbyggð og fá upplýsingar um hvar mál þetta sé statt í kerfinu.

- Rætt var um að stjórnendur reyndu að stilla prófum upp þannig að ekki væri prófað í síðustu viku fyrir jólafrí. Það kom fram hjá Mána fulltrúa nemenda að þó að nemendur væru komnir í unglingsáæild þá vildu þeir gjarnan fá að fönndra.
- Hanna spurði um þróunaráætlun. Ingibjörg ætlar að senda hana á fulltrúa en hún er gerð af skólastjóra í tengslum við fjárhagsáætlunargerð.
- Aðeins var rætt um námsmat og þær breytingar sem felast í símati og öðrum þeim þáttum er notaðir eru til að meta námsárangur nemenda. Í skólanum er þróunarhópur sem er að vinna að námsmati.

Fundargerð ritaði

Steinunn Fjóla Benediktsdóttir